

歸愚詩鈔餘集

歸愚詩鈔餘集卷三

長洲沈德潛歸愚

和任處泉太守移居快閣詩次元韻處泉

遷越之東武山下繼田後移居鑑湖之濱近放翁快閣址建閣仍以快名成詩四章

和屬

宦途泥爪感飛鴻
息駕寧同陌上蓬
東武移家山繞宅
鑑湖起閣水涵空
何妨湧浪同聲叟
自可棲遲比放翁
回憶曲江公
讌日杏花香裏躍青驄

山川相待盍歸乎
隨處林泉足自娛
道士莊前懷羽客
若耶溪畔問耕夫
擁書課子羹塲見
抱甕澆

畦卉木蘇快目快心成快句聳肩還復將吟鬚

買山只用賣文錢天與高人得靜便戶外每停談
藝駕渡頭時泊載花船雲門遙沂千層浪柳陌平
鋪一抹煙閣上卷簾聊縱目千巖萬壑似連阡
可是君家煮字窩吟風弄月興如何柳河松島故
鄉遠紅蓼白蘋此地多竹柴開餘綠放鶴道經窩
就許籠鵝老懷欲鼓山陰楫想像高蹤一和歌

繡谷後已卯送春

曉鐘欲動春旋去迎初繡谷徐開北海尊試問春
歸向何處黯然而箇不消魂

皇上憂心欽欽

命地官發粟平糶夏官清理刑獄

聖躬步禱雩祭告

天情辭懇摯

天鑒至誠甘霖大沛民困得蘇

臣閱邸鈔讀

皇上反躬自責之文循環往復悱惻動人不自覺

其感激而欲涕也恭成四言古詩一章頌

揚

聖德用以昭示臣庶其詞曰

上天仁愛覆被下土五行告愆窮檐失所

天之宗子實維民

主一氣感通如子事父為民誠求無弗與歲在
己卯炎炎朔方去秋徂冬春夏亢陽井泉既枯遠
載車箱來牟既無何待餽糧三輔連延薦瘥孔傷
旱之始盛燠風揚塵旱既太甚郊原如焚屏翳失
御列缺停鞭雨師風伯溺職昏昏
帝心憂閔閔彼顛連爰

命度支廣發廩粟減賈平糶民不枵腹爰

命司寇清理岸獄矜疑可平蠲者復續瞻仰高穹
杲日仍酷迺釋

鑾輅步炎歆中

至尊降尊歛神瘁躬祈社稷壇肅肅痾痾大雩祀
天樂備禮隆神其鑒諸視明聽聰虔製祝文為民
請命憂旱年年今年太盛下民有罪憐其貧病百
辟有缺勉其從政予惟不德勿累萬姓惟大父母
閔予憂瘡情隘辭感竭忱盡慮不厭瀆陳再三呼
籲今茲降雨涸轍蘇鮒今茲不雨予遺是懼在昔
成湯六事自責禱於桑林天心昭格在昔周宣遇
哉乾惕雲漢作歌仍叔代白我

皇繼之克邁前德天心頓回出雲油油澍以大澤

迺優迺柔連綿昕夕徧及四郊叶噓枯潤槁生機
盈眸春疇雖蕪猶望有秋

勅命大吏下暨尹牧播告農人時未三伏藝稌於
窪藝蔴於陸窘窮有助耔本黃犢近連鄉村遠屈
山谷歡呼雷動男婦耆嬰

天子活我異人同聲何以報

主我力我耕何以報

主我安我氓甘雨未來擬捐此生臣聞置郵

聖心憂焦事

天如父有急呼號積誠上千轉移昏朝臣慙林居

未分焦勞作詩杼忱聊比衢謠

又蟲災

秋半苗俱秀農家喜歲豐那堪逢毒熱蒸鬱遍生
蟲蟲賊朋交聚膏腴粒盡空

糞多力勤者尤甚

東南財賦

地

天庾恐難充

又風災

甌窶竟失望未絕惟汙邪三日風拔木千村稻空
華漸成鳬雁食專仰湘潭艤所冀
聖恩渥窮檐勿咨嗟

贈朱雲友

老去初無俗慮牽，一生花月費雕鐫。
移居家具疑東野，覓句辭場替樂天。
歲月增加書亥字，園廬榮盛憶丁年。
聲華付與兒曹事，從此安恬食與眠。

自昔敦盤同角逐，十年南北隔關河。
歸田依舊雲

龍合，讀書真如夢寐過。

閱北郭十子圖，相距三十餘年矣。

木雁中

間聊寄托羲娥，天際任奔波。
他時耕釣能忘老，共荷江東白鷺蓑。

過黃潛善墓

墓在包山旁，諭葬碑尚存。
云太傅黃公之

墓千載下竟無人平其墓者或留此穢迹
供人唾罵亦無不可因作詩紀之

包山山下姦諛墓千載依然松柏桐不願興邦沮

宗澤惡聞直諫斬陳東始堅和議樞衡日和議成於秦檜

初定計者黃潛善也聽講浮屠奔竄中看罷桓碑餘憤激金

陵穢塚略相同孟珙出兵屯於秦檜墓上令其沒溺謂之穢塚

戲題旗亭樂府

盧雅雨取王之渙旗亭畫壁事聯合開寶

乾元兩朝成新樂府運意吐詞可追玉茗

因系以詩

畫壁旗亭為賭詩品詩高下屬名姬而今樂府翻
新調重唱黃河遠上詞

才士由來送五窮飄零南北似飛蓬惟餘浩氣凌
霄漢不入權姦籠絡中

漁陽鼙鼓震天關天子無能庇玉環獨有雙鬟工
智巧虎狼窟裏竟生還

特為文人吐奇氣鵷雛卑伏忽飛鸞科名一準方
干例地下何妨中狀元

長安零落李龜年兒女傳譌代剖宣不獨情深情
更正為情離散為情圓

鏡花水月俱空幻
官閣填詞韻最清
已許新聲追玉茗
風流還溯柳耆卿

觀燕子箋劇席上戲題

新辭進自阮懷寧
一德君臣醉不醒
聲色但教娛耳目
何須顧惜小朝廷

兵戈鼓裏寫溫柔
合付宮中鞠部頭
燕子箋同後庭曲
兩朝天子揔無愁

尚書自昔曾由竇
況是姦窮欲遁時
狗國狗門聞晏子
狀元聊復試為之

紅氍毹上響歌筵
兒女情長衆所憐
半壁河山等

閒送只今贏得看塲圓

題蔣蟠猗照

綠染陂塘紅染林閒行何事驟駸駸眼前花柳生
機滿身在春中底用尋

尋春圖

跋馬歸來日未晡興高蘸墨掃霜顱依然筆與心
俱正驚倒蘆芽斂手徒

游藝圖

邊微髻齡學枕戈中年毫翰費研摩嗤他絳灌連
隨陸射得雙鷗又換鵝

陸宣公墓古柏重青詩以紀事

齊女門外宣公墓墓有輪囷古柏樹根株蟠屈虬

龍形枯萎堅如金鐵鑄一枝忽挺青龍葱天矯撐
空入雲路忠貞之氣永不磨歷劫依然鬼神護惟
公生當德宗朝重利刻鵠兼宣驕姦諛腹心致喪

亂乘輿遷播同逋逃興元詔下悍將泣

公草興元
罪已詔悍

將強卒
俱感泣

平賊迎駕馳風颺從知文德能服遠帝謂

陸九惟汝勞而胡長安甫平定充盈內庫違直諍

宵人蛾聚紛謹叟叅憬延齡響斯應巴蜀貶後編

醫方不敢著書防伺道忠州藁葬歸蘇州兩地堂

封互爭競

熙朝修墓旌忠良大吏葺祠表恭敬新枝乘時森

馬言金
黛色彷彿孔明廟前栢往來瞻望群悚然下馬停

車駐節履齋孫作記鐫豐碑守保寧太好手圖形準

標格貢士王廷魁貞元到今生理存一邱千古藏靈魄

忠姦身後摠分明流芳遺臭俱留名君不見黃潛

善慕包山下鬱鬱松楸帶穢腥

禽言四章

泥滑滑

泥滑滑泥滑滑十步行五防跌前人跌後人嗤君
勿嗤後人復有嗤君時

脫却布袴

脫却布袴脫却布袴布袴脫來償租賦下田災傷
籽粒無公堂扑扶窮追呼脫却布袴醫無膚

行不得也哥哥

行不得也哥哥平地太行與黃河衽席訟獄飲食
風波寸荆尺棘將如何行不得也哥哥

提胡盧

提胡盧胡盧沽酒酒滿沽醉來險阻皆夷途忘物
忘天并忘吾提胡盧

開元寺佛盃

古鉢浮來滄海東玲瓏琢就想神工僧持乞食分

紅粒龍起騰雲上碧空石佛自超炎火外晉建興中有二

石佛浮來後帝青不入劫灰中一經

睿覽逾增重丁丑歲帝幸開元寺僧以鉢上呈長並旃檀護法宮

丹青引贈家南蘋

學詩多識鳥獸草木名作畫能傳鳥獸草木形毛

蟲羽蟲各環異嘉卉嘉樹同敷榮宗炳獅戴嵩牛

曹將軍馬易元吉猴竇師綸鳳薛稷鶴黃荃趙昌

折枝花木時無儔專家一長已傳世那能一心一

手兼窮搜我家南蘋翁寫生入奇妙飛潛動植通

幽靈磅礴解衣每騰蹕胸中有主旁無人筆欲到

處神先到斯須擲筆圖已完自寫其天氣淵浩滿
堂觀者動顏色謂是人工牧天造聲名盈區夏流
播海島中日本之國東復東君長遣使書幣通仙
舟破浪如行空設館授祭禮數隆眼看扶桑之枝
挂紅日手寫中華以外堦離荒幻之夷風三年頓
作還鄉夢萬里行如騎白鳳鮫珠火齊堆滿盤卉
服紛紜拜而送歸途屢遇顛連入急人患難如抱
痛黃金散盡何須來陸賈之裘仍缺空妻孥相見
各歡然依舊席門守菰葑南蘋翁歲月深作畫不
管霜毛侵前年贈我九獅之圖柏廬卷寓言善頌

還善箴我生結習耽謳吟與君老年矻矻同一心
輸君懷抱常惛惛安得刺舩從君至海上看君潑
墨繪海相於更聽成連琴

輓顧大司成震滄

當代多文人經師竟誰是吾友蓉湖濱治經挾精
隨折中準聖心雜說掃糠粃世務不暇知皇皇殖
其體當路揚於朝謂是申伏比授官少司成國子
留正軌受官不受祿蕭然佳畎畝叶感
恩欲瞻

天寒月來京邸瞻

天却無由

君門仍萬里予時侍

君側

祝皇太后萬壽來京上命和無逸圖詩

代陳忠愛指

帝語許近光匍匐上堂陞鳴咽

帝膝前請卹考與妣

帝鑒其孝思遇之以恩禮褒贈兼

賜詩

天顏實有喜歸來益枕經矻矻忘暮齒林居復晉
秩寵榮蔑加矣自今百無能窮經報

天子一身任千秋與經共生死斯人今云亡敗簾

餘萬紙繼續又何人抱經究終始遙望九龍山悲風天末起

輓方文輈進士

老鶴鳴一聲群鳥喧啾息伊人兩浙秀崛起千夫特汲古沃本根枝葉從芟剔制義姑射仙古文大鵬翼避庸如避讐援弱如援溺仕宦疑電光一過無留迹友教比河汾房杜資講畫

帝廷大臣多係請業之士

憶昔志館中

辛亥歲同修浙江通志

暑寒共晨夕談諧融卷

軸肺腑空柴棘自憐齡已隤無能受君益別去廿載餘睦州復良覲聲音宛當時容顏互難識離久

話倍長交舊情逾戚前年叙予文議論判白黑健
筆牛能挽灝氣潮可射而胡六月餘凶問傳我側
歎逝士衡傷自念子桓盡老淚下潸然似聽山陽
笛

王日初山水

亭延山色虛留影澗瀉泉聲冷入扉境地過清無
客到閑堦惟見長苔衣

文待詔畫山水

繞岬清波餘澹沲交柯老樹長莓苔幽人貪看遠
山色曳杖斜陽獨往來

翰苑丹黃手一編

衡山先生年六十
官待詔上與修史

老來自合賦

歸田閑將筆墨供揮灑管領溪山三十年

題太真上馬圖

趙鵬波筆外孫
章光重所藏

女官扶醉上金鞍從幸華清擁玉環合隊四家猶未到祇應並轡向驪山

海棠浥露獨承恩組繡叢中侍至尊此日江妃方作賦珍珠謝却守長門

無復炎方進荔支郎當驛畔馬行遲可堪夜雨淋鈴候回憶聯鑣繡嶺時

宋王孫貌唐天子傳出障

平

泥艷道途何似長康

工諷諫脫簪辭輦各成圖

題長女小影

黃鵠歌成劇可憐
孩遺腹得綿延
披圖莫訝儀容老
心血幾枯三十年

兒女長成連嫁娶
焚焚門戶獨支持
四時俱是冰霜景
秋月春花總不知

母病母喪均累汝
閨中代子報慈親
時松兒隨予在京

松孝竹分枝
幹獨汝青青并一身

恭獻

皇上聖武布昭蕩平
西域雅詩謹序

欽惟我

國家

聖聖相承揆文奮武

皇上臨御以來文德武功仁育義正固已薄海內

外罔不臣服矣迺有準噶爾者雄長西域

賊虐同類前

聖祖仁皇帝親征問罪閱其屈服未加殄殲

世宗憲皇帝行師致討志在懷柔俟其歸化邇因

西戎台吉

阿睦爾撒納等

來告達瓦齊篡弑其主

皇上赫然一怒謂人人得而誅之況

天家尤宜正罪神機獨斷兩路進兵大軍所過西
人額手部落紛紜咸來奔命兵不血刃共
禽罪人

皇上奠定遐荒方欲收兵絕塞而阿酋狼子野心
羽肅朱輪棄而背畔肆擾戕賊

皇上特遣重兵飛翰前進神威所加匹如壓卵阿
酋知罪在難容勢窮遠竄至俄羅斯自幸
可脫誅夷而天譴莫逃冥殛殞命逆天者
之必亡一也阿酋受誅回首旋起

卓木兄弟連結負恩反噬

向為準噶爾拘囚我師救之者

大和卓木小和

皇上震怒有加別遣將帥大將軍惠勇率其麾眾
入險阻逆回恃眾敢圍我師將軍持重固
守不輕突圍而

天家復遣副將軍德參贊袁參贊赫德驅馬進援
夜擣賊營外攻內奮陷堅批亢賊潰眾奔
回紇別部歸心協力助誅遺孽逆回兄弟
奔入援達山拔達山汗名素坦畏威懷德殲
此二酋既獮既雉上表稱臣逆天者之必
亡又一也捷書上陳

皇上肅然謙抑謂孚佑本於

昊天謨烈原於

祖考爰是力辭鴻號迓福

慈寧

山陵帝寢次第告虔論賞計功

殊恩郊勞勒

大文於國學以告武成發

至論於

九重以開羣惑蕩蕩乎巍巍乎未有成功之速拓

地之遠而又讓善冲漠不矜功伐如我

皇上者也臣嘗讀六月采芑江漢常武諸詩知周

宣王伐玁狁定淮夷之功讀韓碑柳雅知
唐憲宗平吳元濟之功夫薄伐玁狁不過
太原淮夷淮西近在南服而尹吉甫召虎
韓愈柳宗元諸臣猶鋪張揚厲弗絕今

天子掃平西域時不及五年地擴二萬餘里功高
古帝王有不可數計者而可無紀實之辭
以抒忱悃乎臣本舊史官職司載筆歸里
以來寵賚優渥報効無由竊不自揣作為
雅詩十四章宣揚

聖人至仁大武以示臣庶其辭曰

維

天丕冒煦育群生沴氣盤鬱震以雷霆維

帝則

天不廢戎兵奠此西陲風清龍庭功高無外惟斯成斷由於明仰中天之曜靈

一章

蠢茲準夷根蟠西域恃遠而驕牙角齟齬

聖祖

世宗惡其毒螫興其改革討而赦之未遑訊馘辟如癰疽久乃自潰圻

二章

彼達瓦齊惛迷駭駭篡奪其魁翹翹自喜台吉來

奔呼籲

帝所叶

帝曰普天皆我赤子徂征龍荒忍令其疾瘠決機
興戎軍行如駛三章

師行所過壺漿以勞別部輶裘為我前導謂向時
狂癡翻然夢覺鼓行而西直抵伊犁寇窮繫縛何

啗稀與雞四章

西戎乍貼阿酋蒙恩狂謀未遂欲為搃台吉叛逆忽焉

擾我軍臺戕我重臣

帝命大軍倚之角之威之覆之酋血遠颺倍道逐

之茫茫煙海欲竄匿而鳩族之

五章

海濱諸夷皆明順逆何人無人心受此鬼域何地
無人倫容此背德近俄羅斯思翻羽翮彼蒼不容
默行誅殛陳屍沙漠驗茲殘賊

六章

復有逆回相繼跳踉嚮受卵翼出之鑊湯弟兄反
噬沸羹蜩蟬

帝命臣惠密授廟謨汝毋緩毋躁乘機前驅別遣
榮應銳師奔趨惠拜受命維

帝其訓

七章

將軍從天下一夫當千務擣賊巢輶其墉垣羣回

民言金食
畚來蟻聚蜂喧敢圍

王旅螳臂思搏

王旅掘壕得粟千屯得鉛萬九粟飽士腹九擊賊
人天助我六軍八章

帝遣虎臣捷行夾攻戰馬蹴踏飛隼游龍中權奮
勇外內衝擊鞭雷驅霆賊群僵踣勢窮旣斃遠離
窟宅來奔拔達山異延殘魄九章

彼素坦沙秉心恭敬歸順

聖明疾惡梟獍維此梟獍自投量羅折馘函首郵
傳

皇家息五年之

天戈逆回平矣西陲寧矣二萬里餘咸稽拜而歸

誠矣

十章

露布遙傳達於

深宮上陳

慈寧告

天地

祖宗于

郊于

廟

山陵攸同而公而侯酬而勲庸

御製鴻文勒石辟雍繼承宏休垂裕無窮園橋門而觀者舉肅然曰

天子之功

十一章

捷伐伊始訖言紛出遠在遐荒外莫量虛實

皇衷瑩然不惑不搖決萬里於几席籌年歲於昏朝燭之以明持之以斷保大定功如操左券

聖論開感覺曩時之曠眩

十二章

回紇土風劣於夔邇向耽殺戮今安熙穰男職游牧婦職饋饌識生人樂羣養群長

天朝規畫區域城堙設官分理湔澣維新沾

大皇帝之仁煖然如春

十三章

邊疆無垠定序

當陽耆定既歌坐開明堂

聖心兢業猶警不獲武備修飭文教宣揚無告孩
育有知享王保泰持盈永綏萬方

十四章

卯辰歲交

終歲匆忙付劫塵朝來埽軌息閑身瓏頭正喜兼

旬雪鴈尾先支數日春異地催詩添雅韻

香樹前
輩來索

和山園送菜念陳人蘋蘩薦罷瞻遺像慚媿烏雛

報苦辛

一抹初曷曜遠嵐田居聊爾整纓簪問年八袞還
餘八望歲三登許應三雲路有階人共躡春光無
價我能貪銅阮西磧梅開未願上藍輿次第探

歸愚詩鈔餘集卷四

長洲沈德潛題

恭進

萬壽頌言

謹序

庚辰仲秋十有三日值

皇上五旬萬壽薄海內外懼忭恭祝

微臣

歸休田

里受

恩最深預擬來京隨諸臣後嵩呼拜舞緣

聖心憫

臣

老耄下

詔勿涉長途謹遵

恩旨存籍稱祝恭進頌言一十四章述

皇上仁心仁政言言紀實不涉夸浮從茲

聖人萬壽日進無疆微臣里言歲增有什雖同賦

天繪海之難竊附擊壤塗歌之末染翰上

呈伏祈

睿鑒

其一

大衍五十推廣彌增萬有一千五百有零

聖壽準之同符清寧

心乾體舒

德厚神凝序方以秋月滿氣清承
聖母歡侍讌稱觥太和元氣充溢

宮廷

其二

豳風頌聲萬方一概近而班聯遍及草萊去重舌

貫胸騰歡無外各獻厥誠尊親永戴微臣歸田老

臥雲莊依斗望京高天蒼茫遙攄悃忱稱

萬歲觴

其三

天體無為清靜莫莫脉

天德行健運行無迹我

皇法

天自強不息比周文王朝至日昃政行九宇慮周
一息

萬幾咸理撫辰凝績協應

天心一誠昭格

其四

下武維周王配三后我

皇配京亦承

三聖後繩繩綿綿翼翼兢兢締造艱難成業弗易

勝

前聖已行守文循之

前聖欲行用武臣之善繼善述維下武之匹

其五

玉露未晞問安

壽康少焉勤政批荅奏章引見百僚封疆守令

天語諄諄循職惟稱大法小廉歸於一敬散朝騎

射如雲如龍晏閒無時精神倍充勤勞得壽勝殷

三宗

其六

包含六合

聖心惛惛或旱或澇殷憂欽欽責已告虔

上帝居歆偶陳偏災賑蠲疊霈一夫顛連

皇躬如痾倉廩平糶關梁減征損上益下其道光

明今逢

聖壽

御筵命傳金鑑在心無煩九齡

其七

聖人天縱彌勤典學四庫治鎔七略優渥日月在
胸星宿在握理歸一中取醇去駁評量古文名論

卓犖作

君無作師先覺覺後覺讀

樂善之琅函譬蟻垤之仰嶽

其八

衆人成詩雕鏤言語我

后成詩迅疾風雨陣馬風檣員規方矩風騷漢唐

彙成機杼餘閒作書三希是寶

補叶

屈伸龍蟠回翔

鳳舞道德流輝藝空今古萬象三才

一人宗主

其九

至聖道隆繼天立極

萬乘東臨曲阜之宅升堂侑饗豆庶俎碩布席橫
經

天子講論鏡瑩日明披陳奧蘊四民戎索圍橋聽
訓

前聖作矣

後聖述矣述作相承其揆一矣

其十

取士以文維經圖哉理中法正前指授哉楊劉軋
茁荒怪文淺陋哉中流一壺誰補救哉

明旨正之長夜仍白晝哉自今伊始六藝能浣漱
哉文體茂哉茂哉

其十一

平金川南人不復反平準夷西戎咸納款叛寇逆
猶連結驅驢

天家用兵遞次剪除五載蕩平二萬餘里西人來
歸猶我赤子俾耕俾牧俾室家安牧稱
太皇帝了然冠履敬告

山陵

祖考式憑慶四海之永清

其十二

五載一巡遵行

先烈恭侍

鳳輦兩巡江浙澤無弗周民無弗悅今將及期民
望如歲佇

清蹕之豫遊慰窮檐之困憊

慈寧萬壽待祝重光

至尊萬壽先祝上章值華渚流虹之候覩普天率

土之慶

光叶

其十三

被天乏德德無可稱臣蒙

主恩與天難名告歸一紀頽齡望九木石四隣風
花三友時或寫心擊甕拊缶常喻鄉曲為太平民
耕鑿無事四時皆春三皇同壽頌謠

聖人

其十四

詩頌萬年興駕微臣祝嘏擬淳江而涉

河

帝心憐閔老年難任奔波明降
諭旨謂汝安於厥家父母孩育

大君仁恩較多聊仿九如麤辭竊比衢歌祝
聖母壽定來重拜

鑒坡

次尹師滄浪亭晚秋韻

空亭臨水畫生涼
元老登臨愛景光
境曠鳶魚殊活潑
秋高竹柏倍青蒼
錢王臺榭成荒圃
子美詩篇挹古香
紱冕却饒塵外趣
果然邱壑道難忘

不繫舟從吳苑留
江天景物句相酬
隔城翠嶺堆無際
匝地黃雲報有秋
民瘼關心聊慰藉
年華屈指計遷流
撫吳至今逾三十年
濯纓濯足分清濁
放眼滄

浪水閣頭

謁望山尹師於公署即次元韻

飫聞清論寸心涼似對靈珠夜有光
真境文章神味淡老年師弟鬢毛蒼
舜華堯韭留秋序孔思周情續辦香
回憶殿廷推引日名藏夾袋肯相忘
南園風物暫勾留下士過從許唱酬
楊柳半髡城畔景芙蓉三醉客邊秋
掃除蒙翳歸中立靜鎮紛囂
息橫流會見行旌還白下雲帆如駛出吳頭

題畫竹

拈將秃筆掃寒枝拂拂清風起墨池
記得夢魂曾

見處黃陵古廟月斜時

薛一瓢祭虎邱文清公祠予往觀禮禮成
同之玉蘭山房時花當全盛前此未之見
也既歸一瓢命孫壽魚寫圖余作詩紀事
虎邱玉蘭花之海看花每歲非其時早或乍放破
落蕾遲或衰謝紛離披今來非為看花至從祀薛
氏文清祠主賓齋心共肅穆神明迎送陳歌辭禮
成越嶺赴山館睽睽寒光逼人眼芳葩一色堆如
銀樓殿連延籠罩滿日華無罅難到地亭午清陰
訝已晚幽香冷艷凝不流雌蜺雄蜂跡俱斷歸來

夢寐留餘思晴雪依稀入清眄主人命孫寫作圖
淡墨揮灑神能撫尺幅短短得全理浪費筆墨胡
為乎展卷滿堂動顏色晶瑩凡案疑冰壺一言敢
為文孫勗畫品君家脫塵俗人生當居寂上層黃
荃趙昌顏母足更從藝苑探本原目想心游讀書
錄

和顧景嶽月滿樓詩次章并當贈言

何事重懷庾亮樓此間足散長卿愁微吟選韻花
生筆望遠牽簾月在鉤七略書篇千古業九天風
露十分秋置身高曠超塵俗浩蕩前期似白鷗

弄月吟風坐小樓
嘯歌詎惹古今愁
掃塵清靜無須帚
釣直安閒底用鉤
喜懼縈心常愛日
溫和對客不驚秋
知君正有翔鸞興
未便忘機狎海鷗

題看奕圖

手握星辰布筭工
侵邊奪腹互爭雄
局殘一着分成敗
只在旁觀冷眼中
寂寂無聲下子遲
疎簾清簟看移時
收枰畢竟歸空局
一笑從前費苦思

不寐

轉側難成寐
宵長倦體肢
耳鳴三歲久
血耗十分

哀檢點無心過推敲有病詩寸腸千百結又到曉
雞時

假寐何曾著徐聽漏點長燈昏留短燄鼠點嘯空
堂夢斷三旬夜衾寒十月霜希夷倘相遇穩睡覓
良方

客氏拜

劉公馭吏部從書肆中買客氏拜三字一
紙字如碗大係奉聖夫人帖也友人喬慕
韓亦得一帖賦詩予成新樂府紀其事

客氏拜拜所私不拜崔呈秀定拜魏廣微錦輿呵

殿東華門老祖太太疑天人九千歲對無至尊客
氏拜拜客仍回九重內移星換斗無人知宮中潛
納李園妹宮中納有身者多人欲為春中
君事思陵命浣衣局掠殺之

江陰二忠祠

國朝定鼎後獨江陰城不下守城者閻應元陳明
選二典史也大兵攻圍戰鬥三閱月力盡
城始破閻陳闔家死之城中婦女胥沈於
江無一辱者周之頑民即殷之義士事既
久建二忠祠祀之以勵臣節詳見邵長蘅
閻典史傳中

桀犬吠堯存志節彈丸下邑守彌堅
八方傳檄胥歸化二尉同心不順天
巷戰市人爭決命城崩婦女摠投淵
暨陽許續睢陽烈

聖代旌揚肅豆籩

金會川觀察將之衢府任作詩畱別次韻
送之

除夕吾方擬送窮值君歸櫂順條風

君於除夕北還

論交

誼與紀羣合話舊時宜煙雨濛膏澤已沾山左右
聲名又播浙西東歌驪計日行旌發遙指江鄉杳
霜中

七里瀧流清見底使君一路泛星槎恐驚穩臥巢

中鳥誰聽清歌陌上花關隘舊為爭險地

耿進謀出仙霞

關李文襄以重兵鎮之全浙俱安

耕桑今屬太平家之官應念從

星月望

關常懷捧日霞

蔣雲紉半閨半月硯歌

昔賢結廬名半閨滄桑以後亡其宅後人亦仍半
閨名誦揚清芬守先澤掩關著述老歲年放眼千
秋雨間窄齋中無物伴寂莫有硯出自中巖石山
骨天匠巧斲成形質似月哉生霸寒蟾老兔尚藏

形山河之影難全識半閑恰稱半月名癡點長康

倍憐惜

顧長康癡點各半

主人於利如贅疣主人於名等

浮漚人間萬事輕唾弃世德駿烈吾所求無田可
畊食破硯硯枯邠復生窮愁龍唇鳳味不知貴守
此片石同春秋旁人大笑竇燕石主人私喜珍珠
球半關之中屋打頭半月之硯雲光浮詞源滾滾
不肯休文采陸離賦俗眼世上誰識珊瑚鉤硯田
有蕪盡芟雞半生吃吃勤鉏耨傳家彷彿范喬研
敢述祖德詔孫謀

慶遠查司馬新葺龍溪黃文節公祠詩紀

其事

宜州城西古龍溪羣峰倒影涵玻瓈蠻荒絕遠闊
靈境天遣才士長羈栖涪翁太史古遺直筆挾風
霜辯奸慝同文獄起紹聖朝遠竄涪戎歷巴夔轉
徙宜州入瘴鄉中原一髮天茫茫瓊雷淮海斷尺
素故人天末遥相望閒却玉堂揮翰手日坐南樓
弄文酒州民絃誦被餘風俎豆衣冠志不朽誰與
踵事新椽桷前有張公後查守自言少小嗜公書
手追心慕窮三餘恨不識公時夢見天教作合來
邊隅肖公遺像酌公酒恍披絳帳親師儒吾聞漫

堂作圖事坡老旁列已像供灑掃一麾出守得黃
州精誠感召通幽渺君今好古將無同出處進退
師涪翁亭葺寶華池洗墨流傳韻事垂無窮

戴星垣松風覓句圖

閉門覓句陳無已君獨尋詩邱壑中謾謾濤聲助
吟興化工相與自然工

詩成何必使人驚天外飛來韻最清炎月忽然涼
到骨句中字字有松聲

知爾詩情寄楚湘肯同穠艷鬥新妝三春桃李皆
零落只有松風意味長

錢香樹先生屬題夜紡授經圖述母德感
君恩也謹成四章

敬姜正論提躬在勞勞成佚敗以訓兒曹賢母敬
勤入夜猶紡車如轉輪循環來往來往不停行健
同像一燈熒熒子依母膝以紡喻學功歸無息體
會母心罔敢自暇逸

人不明經雜學傍門母也授之無間晨與昏紡既
盈筐卷期讀破呶呶唔兩聲相和雞鳴向晨相
忘勞瘁典籍蓄畬取精棄其郭五經紛綸母教同
師儒

經術致身遭唐虞代鳳舉鵬搏風雲交會樊侯補
衮子政傳經回憶困窮戶庭清冷勤業耽道母德
維馨匪母氏教斷機無成命工繪圖賦詩見志子
孫繩繩寶之奕世

篇章圖畫達於

深宮賜詩寵嘉獎孝勸忠藝林重焉賡和衆焉賤
子有餘恫焉賤子兒時母亦課書身後
褒封嗟章服之已虛敬誦

天章心儀懿教緬

主聖而臣直羨母賢而子孝

題王岡齡倣文衡山畫

如削煙嵐插碧霄松林主客自逍遙修將山史分
泉品那有餘閒話市朝

從來變化先追倣畫擬傳雲已及肩滅沒更超形
象外請看相馬九方歎

題王二癡畫

巫山插高穹白雲束層嶂已船雲際落不放回頭
望

絕磴梯雲上迴看路欲無四山人跡斷風雨一樵
夫

高山出雲雲乍雨雨復還山潤林莽化機遷轉兩
相忘山耶雲耶誰賓主

朔風呼號雪滿山天地疑在虛無間遣童修琴出
山路抱琴歸來迷故步

結想

結想三台與萬羊夢醒蚤已熟黃梁何如素位安
邁軸三百寒梅八百桑

寓園即事次李孝廉勉百韻呈陳際唐明
府

曲徑迴廊次第探池光漾漾柳毵毵淺紅破萼風

林艷衆綠添穠雨氣涵徬竹橫斜新鴈齒藤蘿沿
蔓小雲嵐石闌點筆吾能慣活潑天機試靜參

論文同術復同方卷帙平分上下牀規矩自應宗
正始汪洋亦許入蒙莊憐余老眼揩磨淨讓爾清
光尺寸量千劍並時齊出匣一條秋水是干將

浩蕩乾坤兩葉萍長征燕薊屢曾經旋歸好慰曾

參母

勉百計偕北上心動歸
怡值母病見子旋愈

作客同依揚子亭雲

霧乍收天際白竹梧遙送檻前青主人情重如投
轄雅會何妨數日停

鶯脰湖邊蕩畫橈到來契合永今朝琴彈山水賓

同聽鶴放雲天。生自招已信。盡簪歌杖。杜還期反。
哺化鷓鴣碑銘。只在村農口。記取桐鄉五袴。謹

小淑

幼女如小鳥。投人絕可憐。今甘讓佳果。自愛整行。
纏嬉戲。偷新句。習予新句一作戲謂自作縱橫抹采牋。曉妝貪
出衆。一樣貼花鈿。

題文信國像

像係元水曹黃瓚筆。明沈學士度書。信國
本傳共六千餘言。

炎午勞生。祭師門認未真。隻身留正氣。萬古仰成

仁學士書增重曹郎畫絕倫當時遺臭者同是狀

頭人

宋未亡留夢炎降元後宋留亦狀元史入叛臣傳

過鶯脰湖

鶯脰湖光似鏡明片帆斜日此經行越頭吳尾分
疆域柳色柔陰管送迎傍所漁家垂網密中流亭
子與波平

名平波

風塵不入清宵夢臨水無煩更濯

纓

文待詔畫蘭亭修楔於扇并書右軍序文
同學邵灑夫得之屬予賦詩

衡山先生藝林最六法八法幾無對曾寫山陰修

楔圖羣賢列坐踰塵外右軍一敘書入神點畫臨
摹與神會晉人風度便面中流觴曲水疑溶溶昭
陵繭紙久滅沒把玩方曲猶重逢玉磬山房舊藏
度到今開匣生清風灑夫嗜古已成癖金薤琳琅
堆几席生平寂重文先生斷紙零縑等尺璧夢魂
常與先生遊笑言捐讓如莫逆心領神摹從尚友
疊扇一朝為君有彷彿衡山親授之永日摩挲難
釋手示我同看晉代賢崇山峻嶺故依然辨才藏
本今誰見得此風姿絕可憐匪獨凝神文待詔置
身如在永和年

夏日苦雨用東坡黃州寒食韻

米價日漸增窮民愁乏食苦雨連三旬麥爛真可惜
羲娥光不流郊原氣蕭瑟去冬逾春溫江湍無點雪
入夏成漏天屏翳操全力青苗何處栽彌望平田白

已屆小暑節陰沉猶未已江國雨為天邨村雲霧裏
荒荒不易得帶濕燒青葦吳中禮讓俗年來薄於紙
水患更迫之紛爭徧閭里憂端如埜雲隨觸時皆起

題王樓山中丞遺照十二首

出峽

船從天上落迅疾指夷陵兩岸劒攢簇千層雪沸
騰陽曦光欲斷歌嘯興偏增折坂何難下前賢匪
獨能

入棧

棧道入雲端飛流下急湍鉤連魚鳥度曲折訝龍
盤浩氣雲霄濶危途天地寬險夷憑一視隨在路
平安

桃花源

桃源本寓言非仙非隱士後無問津者煙霞笑人

笑公來駐行旌靜坐花林裏汲泉煮新茶一啜空
塵滓遙想古洞中風物羲皇似歲歲開桃花自然
隔雲水

飛雲巖

天雲忽翻飛飛向黔中住層疊成奇巖訝然勢軒
肅客來本探奇危險那復顧登山必登巔梯級上
雲路來往不逢人惟與雲相遇奇境難久留又恐
雲飛去

觀海

胸藏大九州目極大四海何來筭步人局束嗤章

亥

黃鶴樓

憶昔楚遊日高歌黃鶴樓今觀圖畫裏前輩足風

流雲擁晴川閣江沉鸚鵡洲補衡墓在洲今沉於江矣後先同

弔祠人采最招尤予與公同有弔祠處士詩

秋夜讀書

秋氣萬象肅入夜尤深沉已謝政務勞把卷殊惜
惓匪獨窺津涯寔與期探尋此時商聲動颯沓
幽林結念既已專無由擾清襟汲深得修綆如見
軒虞心

征途積雪

積雪赴長安征途一冷官無衣念民瘼忘却路行難

勸農

雨餘布穀鳴三春已云半勞苦性所安况逢達官勸慰諭如和風靜聽徧畛畔從茲力耕鑿分外非我願祭祀到虎貓踪蹟斷州縣常為太平民遺安無異患

瑟齋

寬取有容嚴取堅栗兩者相調中和寧謐君子防

疎名齋曰瑟歛之又歛退藏于密

塔影樓

樓前窄堵當雲屏簾幙寒餘睇遠青霄漢常瞻

帝里日畢箕時念庶民星涵空池影心俱淨入座
荷風德並馨相對友朋無可畏稚圭不賦草堂靈

龍潭探梅

江干仿佛孤山路香雪叢中暫停步存得廣平鐵
石心何妨重作梅花賦

題曹友梅蒼茫自詠圖

洄溪疊嶂窅然深那復楚然有足音迥異秦川對

詩言金食集
酒日清詞却會杜陵心

入望蒼茫有所思江籬采罷苦吟詩憑渠山鬼迎
人笑忘象忘言慙不知

雲林獨立喜哦松松下寒泉挂白龍平遠溪山題
欲遍請君直上最高峰

題家駿天中峯讀書圖

讀書隨處有真樂況入名山深復深片念集將千
載事清心證入古人心

暮靄朝煙供卧起鉤元提要任攷漁會心欲到羲
軒際不向包山竊禹書

當年我亦寓中峯，聽徹寒泉和古松。只是讀書輸
脉望，阿蒙自笑舊吳儂。

竹爐山房某上人茶話

瀾茗靈泉畔，爐煙竹外凝。羨君出世客，留我在家
僧。薺熟松濤瀉，池平練影澄。卷中瞻

睿藻回憶

六龍乘

辛未丁丑
兩次題竹爐畫卷

境深嵐嶺合，空翠若為凝。座列青衫客，

謂王生岡
齡顧生景

嶽。禪參白足僧。品泉陸鴻漸，示法佛圖澄。茶罷尋

山去，藍輿亦可乘。

張耒君畫竹歌

南華先生畫中仙，畫師寸心心師天。不拘董巨舊
模範，筆所到處生雲煙。南華仙去誰人續，有子紛
披工寫竹。睢園萬綠蟠胸中，潑墨淋漓生氣足。瘦
骨挺勁縱復橫，枝枝葉葉風雨聲。張芝草書君悟
得，左盤右蹴俱神行。須臾揮灑十數紙，滿堂色動
人皆驚。知君畫法本家學，不受文同夏景綽。況當
卷軸浸潤餘書味，流行樂復樂。勸君扃鐫藏籀龍
恐逐風霆作勢歸雲中。

次萬恬怡入邨韻

領略煙村水木疎曠懷隨在是遽廬片言每示觀
空法一卷時修種樹書平視險夷忘嶽垵會心活
潑拚鳶魚何須短棹隨漁父更覓桃源世外居

題孫石芝照

東海之濱虞山之麓伊人在焉棲遲吾谷誦述祖
先朋儕樵牧讀有用書羅列簡牘醉心春秋耽如
貪慾經傳類分按類纂錄成春秋類求一書閱世活人屬
芝采蕘人訝其怪我羨其樸利澹心夷道深行獨
四時春風中無不足有樂難名勿諼勿告

橋西一草堂燕集次韻

草堂仿佛百花潭良夜留賓興正酣學劍學書吾
久廢種瓜種豆爾能甘寒燈影裏憐鬚髮清漏聲
中誦雅南小友連翩俱健者飽看折阪走驚驂

題周松靄著書齋

虞卿著書緣窮愁斯言感憤實謬悠著書闡明天
人理豈因牢落方勤搜君家結廬瀕滄海眼界胸
襟足魁壘大廷對策旋歸來穿穴書林仍不改枕
經籒史同飲食中正和平尠奇僻更讀人間未見
書內外逸書並紬繹一心直欲窮千秋醞釀畋漁
供擘畫高齋竟日寂無聲仰面屋梁神貊貊經術

經世尊所聞他時出政康邱民不為法吏為循吏
真讀書人能活人

題海鹽張瓜圃遺像

士有位不列於朝而懿德行于鄉君子既難其施
惠之博而尤重其天爵之尊內行之良張君瓜圃
緬生平品概無忝乎南陔白華之二章今觀墓誌
所稱以為有餘則應不足則辭合仁人之公溥不
同俠士之激昂此第表其重然諾好施與猶矜誇
腹背之羽而搏扶搖而上者忘乎鵬翼之難量予
考周禮六行首孝友次睦姻次任恤由親及疎事

莫先乎倫常瓜圃孝養二親素聞曾閔和協兄弟
竊比田姜因而錫類推恩賙窮卹匱不遺餘力一
時受者懷其德澤即不受者亦重其表坊噫瓜圃
往矣聞厥子出燕賢而有文其言情訴哀纏綿悱惻
見于忠親之文章藏其父德可錄其子孝可揚
予於張氏樂道予親厥後之克昌

朱進士

疎

得溪山酒客所畫桃花蝴蝶題詩

其上寄余託意深至愧不敢當作此以謝
一代論騷雅如君足擅場此才偏落拓獨立自蒼
茫綠泛當風艷紅飛雜雨涼寄來一幅紙猶帶浣

花香

深筆溪山裏桃花古洞春
吾寧前度客未見此中人
託意看題畫傳詩與問津
精誠酬不得來詩云奉持仿

佛精誠宣長望水粼粼